

[Accueil](#)[Revenir à l'accueil](#)[Collection](#)[PARCOURS 1 - Consulter le corpus des recueils collectifs de poésies françaises du XVI^e siècle apparentés au *Trésor des joyeuses inventions*](#)[Collection](#)[ŒUVRE : Verger d'honneur](#)[Collection](#)[Édition : 1512 - Verger d'honneur - Petit](#)[Item](#)[\[1512c_Vergier_dhonneur_Petit\]](#) 048 Depuis le jour que plaisance soubdaine

[1512c_Vergier_dhonneur_Petit] 048 Depuis le jour que plaisance soubdaine

Présentation générale du poème

Titre de la pièceBallade.

Incipit non moderniséDepuis le jour que plaisance soubdaine

Les pages

En passant la souris sur une vignette, le titre de l'image apparaît.

2 Fichier(s)

Présentation de l'exemplaire

Formatin-2

Imprimeur-librairePetit, Jean

Date1512c

Lien vers la notice du catalogue de la bibliothèque où est conservé l'exemplaire<https://catalogue.bnf.fr/ark:/12148/cb39363870g>

Type de numérisationNumérisation totale

Emplacement du poème

Rang dans le recueiln° 048

FoliotationQ3r, Q3v

Présentation typo-iconographiquePas d'illustration

Informations sur la notice

Contributeur(s)Parra, Marine

ÉditeurÉquipe Joyeuses inventions ; EMAN (Thalim, CNRS-ENS-Sorbonne nouvelle)

Mentions légales

- Fiche : Équipe Joyeuses inventions ; EMAN (Thalim, CNRS-ENS-Sorbonne nouvelle). Licence Creative Commons Attribution - Partage à l'Identique 3.0 (CC BY-SA 3.0 FR)
- Image(s) : Source gallica.bnf.fr / BnF

Notice créée par [Équipe Joyeuses Inventions](#) Notice créée le 29/03/2019 Dernière modification le 04/11/2021

Sans vostre ayde ne scay plus que ie face
Fors tous les iours soupirer mille foyes
Quant ne puis Deoir vostre treshumble face
Les moyens quiers de mourir mainteffois
Rien que penser et songer ie ne fois
Dont ie suis tant conformme de tristesse
Que plus nen puis neantmoins touteffois
Je vous retiens madame et ma maistresse

Las ie puis bien regretter le bon temps
Et le soulas de plaisance et de ioye
Puis quainsi est selon ce que ientens
Que iay perdu de voz biens la montioye
Le nonostant tant que ie vous reuoye
Pour acomplir le Vouloir quay sans cesse
Soyez certaine quen chemin et en voye
Je vous retiens ma dame et ma maistresse

Si vous plaisoit pour ma douleur estaindre
Avoir regart a mon trespiteux faict
Vous pourriez faire mon cuer atteindre
Dedens brief temps a son ioyeux effaict
Se faulte ya sachez quil est infect
De suporter tant amere tristesse
Mais esperant dauoir mieulx en effect
Je vous retiens ma dame et ma maistresse

Ballade

DE puis le iour que plaisance soubdaine
Fist esleuer au gre damours mespeulx
Par vng soulas desperance mondaine
Qui me suruint en dame souueraine
Aussi par faicte quil en soit soubz les cieulx
Et vng regart plaisant et gracieux
Sans mal penser ie vous iure et prometz
En attendant confort solacieux
Je me suis mis en amours pour iamais

Dame ie vis si tresdoulce et humaine
Que brief rien nest plus mistigorieux
Une bouchette a si souefue alayne
Que se cestoit une seconde helayne
Si esse vng droit parement sumptueux
Vng nez longuet vng petit rians peulx
Une parole de si doulx entremetz
Que brief et court pour me tenir ioyeux
Je me suis mis en amours pour iamais

De la seruir sans cesser mettray peine

Pour acquerir son port mesodieux
En luy donant mon doulx cuer pour estraine
Affin que mieulx soit de mon cas certain
Car dassener nest possible de mieulx
Dncques ne fus aupres d'elle ennuyeulx
Dont de toute autre me desiste et desmetz
Et si Deulx bien que lon sache en tous lieux
Que me suis mis en amours pour iamais

Prince damours ie me tiens bien heureux
Dauoir ainsi assene pour tous metz
Et pour me faire en tous temps valeureux
Je me suis mis en amours pour iamais

Madame helas ou est vostre parler
Dont ieuz iadis mon petit passe temps
Ou est le lieu pour gauldir et galler
La ou ialoye maugre les mal contens
Quest deueni maintenant le bon temps
Quaneques vous aucunes fois ianoye
Helas si nay de vous ce que iattens
Possible nest que ie puisse auoir ioye

Je nauray ioye tant que ie vous reuoye
Plaisir nauray qui de vous ne me viengne
Je nauray ioye par chemin ne par voye
Sans vous ma dame quelq bien ql maniegn
Et tant que cy en brief temps ie reuiengne
Ainsi quau long bien aplain vous scauez
Je nauray ioye au moins qui ne paruienne
Au grant plaisir que faire me deuez

Rememoiez noz gracieux denis
Souuiengne vous de noz beaulx entretiens
Rememoiez noz faitz aussi noz ditz
Aussi diceulx les gracieux moyens
Remembiez vous de noz frisquez maintiens
Ayez memoire de nostre grant lieffe
Rememoiez les amoureux liens
Dont ie vous ay pour madame et maistresse

Ayez memoire du temps que lon souloye
De nuyt veiller et le iour reposer
Souuiengne vous comme a vous on parloit
Sans a douleur ne tristesse diser
Ayez memoire quon souloit deuiser
Fust iour fut nuyt en salle ou en chambrette
Et au surplus comme on souloit baiser
Dardant desir vostre doulce bouchette
qui

Noubliez pas comme en petiz caquetz
 Chacun souloit passer les nuitz obscures
 Noubliez pas comme en petiz bouquetz
 Auons souuent pris damours ouuertures
 Souuiengne Vous cōme soubz couuertures
 Nous sountions passer temps en liesse
 Noubliez pas quen telles aduentures
 Je Vous retins ma dame et ma maistresse

De mieulx en mieulx ma maistresse serez
 De mieulx en mieulx seray Vostre seruant
 De mieulx en mieulx de moy plaisir aurez
 De mieulx en mieulx ie Vous Verray souuēt
 De mieulx en mieulx mettray mō biē au Vēt
 De mieulx en mieulx seray Vostre nouice
 De mieulx en mieulx dedens Vostre conuent
 De mieulx en mieulx ie Vous feray seruice

Rondeau

A Trop grant tort son nous accuse
 Au moyen de gens plains de ruse
 Remplis de tresmauuais couraige
 En parlant a leur aduantage
 Mais leur matiere est trop confuse

Qui a telz rapporteurs samuse
 Sa peine pert et son temps Use
 Considere leur faulx langage

A trop grant tort

Nostre plaisance en est recluse
 Et plaisance entiere forcluse
 Au moyen dun faulx tripotage
 Que ie prie a dieu que la raige
 Ait qui nous baille telle plamuse

A trop grant tort Rondeau

P Dis quainsi est ie despite fortune
 Et malebouche ensemble leur effort
 Qu'ilz ne scussēt en plus dur descō fort
 Mettre que suis pour aymer trop fort Vne
 Cecy me vient pa secrete rencune
 Et mesmement par quelque faulx rapport

Puis quainsi est

Sans espeter par diligence aucune
 Deu le grief dueil et merueilleux remort
 Qui maguillongne ie nen puis que la mort
 En endurer ou tristesse quelcune

Puis quainsi est

Ballade

Quant il faudia que ie Vous dyc
 La dieu dure departie
 Sachez quen griefue desplaisance
 Chelz dueil prendray ma residence
 Pour finir ma dolente Vie

Ma pensee auez tant rauye
 Quen parlant a Vous ie desuie
 Et pis seray sans difference

Quant il faudia

Au fort aller pour dieu ma mpe
 A tout le moins noubliez mpe
 Celuy qui par Vraye esperance
 De Vous seulle aura souuenance
 Quoy que ioye en luy soit banpe

Quant il faudia Rondeau

Dieu damours iay sans cōduit entier
 Pour iour et nuyt la belle frequenter
 Qui a de moy le cueur et la penser
 Et pour auoir tousiours a la passee
 Vng franc baiser de Vouloir tresentier

Quant au regart dentendre au bas mestier
 Doubter nen fault mais quil en soyt mestier
 Quassez nen soit la facon de pensee

Du dieu damours

Et sil suruiuent guillaume ne gaultier
 Quelque bragart ou quelque Vielz roustier
 Dont en ce cas soit oultre bōt pressee
 Doubter me fault quil aura la fessée
 Et forban y sera de son cartier

Du dieu damours Recommandacion